

貴州政報

no. 21

十月

中華民國八年十二月下旬出版

第一

貴州政報

本報費價

每月貳元
半年拾貳元
全年貳拾元

本報送省外郵寄費用一律在內

本報告白價目

等

第每期全面每期半面每期四分之一

特等(底頁之面)叁元

優等(底頁之裏)貳元肆角 壹元伍角 玖角

普通(公文之後)壹元捌角 壹元 玖角

連登三期以上九折三個月以上八折半年以上七折

類目

(一) 特別通電

岑總裁議整內政電

解釋辦理閩省交涉電

(二) 政府命令

(三) 部咨

(四) 軍署公文

(五) 本署公文

維持黔幣令

借穀維持米價令

呈報黔西學務情形令

新委財政廳長呈請收回成命指令

高審廳長因病辭職指令

高檢廳長請假省墓指令

高檢廳長再請給假三月指令

蠶桑局長請再行辭職指令

安順縣請褒揚節婦指令

下江縣奉令清理義穀指令

丙妹倡辦教員講習所指令

咨覆省議會查辦財政廳款項文

(六) 各機關文牘

(七) 法規

警察廳沒收物品處分規則

沿河縣課桑處罰規則

(八) 圖表

(九) 批告

貴州省長公署牌一件

貴州省長公署批五件

警務處佈告一件

警務處牌示一件

警察廳批一件

鎮遠地方審判廳批一件

(十) 判牘

判決陳朱氏營利略誘案

(十一) 附錄

威甯賑務全案彙編

法律解釋輯要

貴

州

政

報

謂我爲和而和爲戰而戰光明無落之行爲無意義之舉動使僅止於護法則癸丑未嘗不維持約法國會而不能免續籌之敗丙辰未嘗不恢復約法國會而不能救督軍團之偏政本未嘗不復國內禍亂甯有已時且時至今日一切政治有改亦改不改亦改之趨勢四海困窮財政破產列強起而監督容喙內政裁抑軍費是爲損自外人結果必至亡國民怨沸騰生計困塞詭激思想應時焱起禍機四發全國騷動是爲改自羣衆結果必召大亂時勢潮流衝動壓迫爲力至鉅苟不迎機利導竊恐潰決立見爲未雨綢繆消弭隱禍計應以革新全國政治爲信念而縱手之方先就西南內部樹立楷模誠得各省軍民長官奮起圖功百政修明匪惟軍府率先自臻強盛即言南北對峙亦能博最後勝利蓋人心嚮義海內歸誠若不坐待其敝而起赴其機北廷雖狡必非吾敵即令和議可活或竟有成吾人更可本改善之宿願刷新之成績要求推行全國拯救斯民庶環球各國咸曉然吾人不得已而用和之心理來

貴

州

政

報

表同情則不言鞏固西南而西南自安如磐石民國亦可賴以生存煊前次議
設建設會議即本此旨嗣奉莫公篠電尤獲我心明知軍事未結束之際刷新
進行諸多困難然處斯危局不得不作此謀更不得不作此希望如何方能推
行無窒諸公親歷其境周知情勢當有嘉謀匡斯大難仍望速推鴻碩以絜綱
維俾煊得遂周王陳力之心藉引鄭相求全之勲叨愛更大受益更多敬佈腹
心維諸公實圖利之春煊蒸叩

貴州督軍兼省長覆電

廣州軍政府岑總裁鑒新成密蒸電主張刷新政治爲西南力圖自立之根本
誠屬探源之論竊謂刷新政治當從施行省制入手前軍政府議定地方制度
議案以參事會爲政治之中心此間已決定改組尅期成立網羅各方人才商
決大政並使立法行政兩部意見溝通一俟組織成功即當專電奉報以副我
公殷殷望治之意並望不吝賜教匡助不逮此尤私衷所切禱也顯世叩篠

北政府洽電

一件提出福州問題嚴重抗議由

貴陽劉如周先生鑒刪電悉福州問題發生以來迭經外部提出嚴重抗議並電莊代使要求日本外部約束日僑撤退軍艦復派員赴閩切實調查以爲交涉解決地步現正據理力爭並未稍示退讓政府人民同一心理來電敷衍了事懼失歡心等語未免過存疑慮至彼此親善係國際間一種習用名詞蓋邦交未至絕斷之時無不持此態度非獨中央對日爲然何得認爲奉承惟謹也
盍詳察之靳雲鵬洽印

貴州政報

本署公文

貴州省長公署訓令

民國八年十二月

令各縣知事維持黔幣並頒發布告一案由

爲令發事查本省所發紙幣各縣早經通行乃查近有奸商藉張財政廳長出缺事造出種種謠言故將幣價減輕希圖從中漁利似此不法行爲若不設法查究不特金融受擾抑且妨害安甯茲由本署撰擬布告令發該縣張貼通衢俾衆咸知如有前項情事務亟設法禁究但須嚴飭所屬人員勿得藉故搯詐是爲至要切切此令

附布告

本省發行紙幣完納釐稅通行財政廳長出缺并不變更章程乃有市儈造謠故將幣價減輕不特金融受擾抑且妨害安甯諭爾諸色人等勿得輕聽

貴州政報

訛聞如再藉端煽惑拿獲定即重懲

貴州省長公署訓令

民國八年十二月

令財政廳據省城維持米價會呈請飭管倉員借穀備用由

案據省城維持米價會呈稱竊本會因售米在即一時遽難購買乾穀業於本月十三日面奉鈞諭准由常平倉借穀五千石作今歲平價之用來年開春後籌備繳倉等因自應遵辦理合備文呈請省長查核飭下管倉委員遵照并乞批示祇遵等情據此除以呈悉查省垣常年倉穀係歸財政廳委員管理仰候訓令該廳轉飭該委員遵照從速照發可也此批等語批示外合行令仰該廳遵照迅即轉飭管倉員遵照辦理切切勿延此令

貴州省長公署訓令

民國八年十二月

令黔西縣知事李安鼎據第三區省視學呈送學務報告書由

案據第三區省視學向義呈報該縣學務情形一案到署查該知事對於教育

貴

州

政

報

雖未能積極進行然於教育經費頗有增加不無可取惟以該縣幅員之廣國民學校除城內第一二三三校外鄉間僅寥寥五所其學齡兒童失學之多可以想見應於城內中心地方再添一校四鄉如沙土安底沙窩空桐樹狗場等地方烟戶稠密籌款較易均應各設學校收容學齡兒童着即趕速籌辦期於明春開學以宏造就勸學所爲全縣教育行政補助機關縣視學爲視查全縣教育事宜人員該所長兼縣視學張燦容雖尙老成對於各鄉學校從未蒞止其何以資統籌而謀改進仰即飭令該所長每年應於上下學期分赴四鄉調查整理照章報告不得坐擁虛位苟且偷安又教育經費爲辦學之源泉該縣每年收入僅四千五百餘元支出已達七千餘元不敷甚鉅既據該知事會同省視學斟酌情形指定新民里經費二千五百餘元添作學款不敷餘數再由每年設法籌補嗣後只許增加不得減縮足見注重教育自應照准永爲定案仰即加入保管教育經費專簿照式分款填報以憑考查并須遵照前令加委

貴

州

政

報

勸學所長充稽查專員俾學款得以清釐而專責成是爲至要再該縣辦學人員幾無一由初級師範畢業除少數尙曾研究管理教授者外其餘直不諳教管如長此敷衍教育豈有發達之日既經省視學與該知事商定擬於明年以農業學校暨國文講習所款費移辦一單級教員講習所酌送現任教職者入學再由外招考補之使稍具教育知識即可派赴城鄉担負教務從前學究之不諳教管者應予撤換仰即着手籌備以期早日開學至農業學校前此既已畢業蠶桑講習所二班此項人材已覺擁擠應俟此班畢業暫行停辦縣立第一高等小學校辦理不善皆由職教員多不稱職仰於明春大加裁汰勿徇情面致碍學務其有通俗講演所雖成立有年毫無成效是此有名無實應即歸併勸學所兼辦不另開支以節糜費以上各節係關於該縣教育之大凡至各學校應加改良之點合行摘錄報告仰該知事一併查照辦理仍將辦理情形據實呈報備核切切此令

貴州政報

附摘錄報告一份

摘錄第三區省視學向義報告

(一)乙種農業學校 該校規模尙整校長張文鑾品學甚優管理兼教員張兆桂勤慎厥職教員郭元善學有專長校風頗善成績亦佳且校址接近桑區尤便實習

附設國文講習所 該所係收容高小畢業不能升學之學生使之補習國文誠屬正辦但閱各生成績太劣實於高小不能畢業即此可見該縣縣立第一高等小學教授之不善且此項講習科乃係消極辦法嗣後應飭高小學校注意國文勿使畢業後而補習既耗費公帑而學生亦耽誤升學之光也

(二)縣立第一高等小學校 該校係就前清書院改繕教室尙屬整齊惟學生寢室甚少且嫌窄隘不足以容多數學生校長王有卿年事雖長學識

貴州政報

太欠故學生囂張校風甚壞教員張昭藩教授尙爲明晰其餘各教員或未經學校肄業或經畢業而直不諳教授殊覺貽誤來學

(三)縣立第二國民學校 該兩校均隸於縣立高等小學一附設於東關節孝祠一附設西關炎帝宮內學生程度參差缺席甚多教員不甚諳教授
(四)私立疏秀女子國民學校 該校係設於私人住宅內係用複式教授僅一教室教員多係義務時不到校故學生進步甚遲且閱其成績算術列式法實倒置足見該校教授之劣

(五)私立女子壽怡國民學校 該校係設城內劉貞女祠校舍尙佳光線亦宜教員多係義務尙屬熱心校風頗善成績亦佳

(六)私立淑慎女子國民學校 該校係設城南萬天宮內教授尙合學風亦善惟校之入口多設攤售貨者甚爲複雜學生出入殊覺不便

(七)縣立第三國民學校 該校設於大關三楚宮內校舍甚佳操場尤爲

貴州政報

整齊校長兼教員劉佑及管理兼教員張鳴皋教授管理均甚得法校風亦佳

(八)南二區區立崇實女子國民學校 該校設於大關三聖宮內全無的款概由地方人捐助名爲區立實屬不合且乏女教員均覺不便應飭聘女教員共同辦理爲是

貴州省長公署指令

民國八年十二月

今新委財政廳廳長段家榕呈請收回成命由

呈悉該員老成諳練有守有爲前在財政副司長任內籌畫因應頗著成績此次委代財政廳發表之日全黔紳民無不歡欣鼓舞共慶得人若萌耽逸畏事之想未免有負地方厚望況吾黔人才祇有此數試問誰能任此艱鉅該員素明大義務望尅日到廳接事免爲其難實所嘉賴所請收回成命之處斷難照准此令委狀仍發

貴 州 政 報

貴州省長公署指令

民國八年十二月

令高審廳廳長龍靈據呈因病辭職由

據呈病體難支情詞懇誠着准假四月以便安心調理勿庸辭職所有該廳事務即由該廳長自委該廳民庭庭長劉昶育暫行代理可也此令

令高檢廳廳長胡曜據呈請假歸家省墓由

呈悉現在地方多故共濟需人高檢廳爲全省司法執行最高機關該檢察長負有監督該廳事務之責職守所在關係人民生命財產極爲重要詎能輕易離去致滋貽誤所請給假回籍省墓之處俟地方安甯再予酌准可耳此時應勿庸議仰即遵照此令

貴州省長公署指令

民國八年十二月

令高檢廳長胡曜據呈請給假三月回籍省墓由

如呈准假三月所有廳務即由該檢察長自委該廳首席檢察官陳正名暫行

貴州政報

代理可也此令

貴州省長公署指令

民國八年十二月

令蠶桑總局局長熊繼成據呈擬再行辭職請核准由

呈悉該局長年富學優任職以來深資倚畀又況桑區計畫原定五年期限未滿亦未便遽易生手所請再行辭職之處應勿庸議即足疾復發務望效古人力疾從公之意勉爲担任藉觀厥成仰即遵照此令

貴州省長公署指令

民國八年十二月

令安順縣知事唐積福據呈請褒揚節孝婦楊李氏一案由

呈及各件均悉查扶植坤教國家有宏獎之文矜式鄉閭節孝邀至榮之典此清芬所以遠播而至性於焉不磨也該節孝婦楊李氏以貞靜幽閒之德際晦盲否塞之秋方將浣征衣而寄藁碁歌執翹而奏房樂豈意夫征不復人號未亡碧血一軍素旄八尺一旦捋茶在手吹棘於心豈不悲甚消腸恨將化石然

貴

州

政

報

而高堂危齒湔裙之望已虛縷抱僅留納楹之書未啓不得已茹茲慘酷勉事
衰翁慰親心於思子之臺潔晨膳於采蘭之日至其死喪哀毀兆竈經營既卜
馬鬣之封更宏熊丸之教不恤之緯宵杼自勤屢畫之灰字迹未滅大節垂五
十餘載苦心始二九之齡似此芳徽允宜褒獎既據該縣援照褒揚條例各條
欸詳錄事實出具證明書取具鄰結呈請前來查與條例符合自應如呈照准
惟現在大局尙未解決應准先行建坊由本省長給予節孝兼全匾額一方以
勵末俗仰即轉令該氏家屬祇領所有褒揚冊費照章加一欸只加三元該氏
既與孝行純篤節烈婦女兩欸相合應共繳註冊匯水費九元八角所繳安順
中國銀行兌換券一十八元計多繳八元二角亟應發還仰併令知該氏家屬
另換省行兌換券九元八角來署棹換一俟大局解決後再行專案咨請補獎
可也此令

計發匾額一方